

иудеи, || яко Иоанови и фарисестии ученицы постятся, а твои ученицы не л. 191 об.  
 постятся, тогда рече господь: «не могут сынове брачнии поститися до не-  
 лико время с собою имут жениха, егда же отоимется от них жених, тогда  
 постятся», <sup>а</sup> и паки рече: «аз есмь хлеб животный, иже шедый с небесе,  
 аще кто снест от хлеба сего, жив будет в веки, и хлеб его же аз дам  
 плоть моя есть, юже аз дах за живот мира»; <sup>б</sup> творящим же заповеди его  
 рече: «ядый плоть мою и пия кровь мою во мне пребывает и аз в нем». \*  
 Аще бо кто вся заповеди божия соблюдет, сий убо не греха ради постится,  
 но благотворения ради, и да умершвляет плоть, да не воюет. Елицы, иже  
 когда согрешаши от сих, тогда и заповедь божия отступи, не к тому уже  
 в бозе пребывают и бог в них, но по господню словеси отоимся от них  
 жених, сиречь заповеди божия, и подобно есть таковым поститися. Аще же  
 начнеши имети || худость ризную, не возмутят мысли сердца твоего яко бы л. 192  
 чужая грабити, не тебе бо ти сих ради будут многая ни на ядь, ни на  
 устройство ризное. Сими бо добродетelmi крепится любовь и правда,  
 сими побеждается вражда и лжа, сими творится путь к царству небес-  
 ному. Рече бо господь: «тесна суть врата и прискорбен путь вводяй в жи-  
 вот и мало суть, иже в нем обретаются, широка же врата и пространен  
 путь вводяй в пагубу». <sup>в</sup> Аще же начнеши имети творити милостиню и  
 дати от своего труда, то не многого ради даяния честна есть пред богом  
 милостини, но еже подати не скорбя собою и не глаголя, яко мне не оста-  
 нет, но от всего сердца, елико имея сие подати, яко да онамо от Христа  
 хвалу приимем, яко же она вдовица, иже две цаты вверже в сокровищ-  
 ное хранилище и всех, многая вметающих, преболе обретется, о ней же  
 рече господь, «яко сиа вдовица убогая множайше всех вверже, вси бо от  
 избытка || своего ввергоша в дары богови, сия же от лишения своего, все л. 192 об.  
 житие, еже име, вверже». <sup>г</sup> Се бо есть истинная любовь и милостини, еже  
 во всяцем скорбящем тако пещися, яко же о себе. Аще бо у себе и мало  
 оставиши бог видеи подаст ти, яко же сам рече: «не пещитесь убо глаго-  
 люще, что ямы или что пиемы, или чим одежемся, всех сих языцы, сиречь  
 невернии, ищут, весть бо отец ваш небесный яко требуете всех сих, ищите  
 преж царствия божия и правды его и сиа вся приложатся вам». <sup>д</sup> Сему же  
 убо господню словеси веруай, не требует ничтоже соблюдать впредь на-  
 дежи ради, имать бо истинную надежу бога, иже не оставит его гладна  
 и нага быти. Аще же кто соблюдает злато и серебро и мшел надежи ради  
 снедей и риз, сей убо не держит надежи на бога, но на богатство и любве  
 чуж есть. Еже сам богатея не весть кому збирая, братию же свою убо-  
 гую презирая, последи же сам у||мирая вся оставя. К нему же яко же л. 193  
 к богатому оному ему же угобзися нива и не веде, где собрати плодов,  
 речет бог: «безумне, в сию нощ душу твою истяжут от тебе, а еже уго-  
 това, кому будет». <sup>е</sup> По смерти же о делех противящихся словесем Божиим  
 приемлют муки вечныя огненныя, понеже не сохрани господню заповедь,  
 еже о любви. Глаголет бо богозванный Павел, пиша к Тимофею:  
 «ничто же бо внесохом в мир, яже же, яко ни изнести что можем.  
 Имяще же пищу и одеяние сими доволни будем. Хотящии же богатитися  
 впадают в напасти и сети и похоти много несмысленны и врежающая,  
 яже понужают человека во всегубительство истлению и погибели. Ко-  
 рень бо всем злым есть сребролюбие». <sup>ж</sup> И коринфом пиша, глаголет: «аще  
 языки человеческия глаголя и ангельски, любве же не имам, бых яко  
 медь звенящи или кимвал звяца. И аще имам пророчество || и ведя л. 193 об.

<sup>а</sup> Марк, II, 18—20.<sup>б</sup> Иоанн, VI, 51.<sup>в</sup> Иоанн, VI, 56.<sup>г</sup> Матф., VII,<sup>д</sup> Лука, XXI, 3—4.<sup>е</sup> Лука, XII, 20.<sup>ж</sup> I Тимоф., VI, 7—10.